

Cynnwys

Rhaglen	2
4 - Cofnodion y cyfarfod diwethaf	6
5a - Cofnodion Is Bwyllgor Trwyddedu Canolog 3-9-14	8
5b - Cofnodion Is Bwyllgor Trwyddedu Canolog 25-9-14	11



Gwasanaeth Democraidd
Democratic Service
Swyddfa'r Cyngor
CAERNARFON
Gwynedd
LL55 1SH

Cyfarfod / Meeting

PWYLLGOR TRWYDDEDU CANOLOG
CENTRAL LICENSING COMMITTEE

Dyddiad ac Amser / Date and Time

10:00yb DYDD LLUN, 8 RHAGFYR 2014
(AR DERFYN Y PWYLLGOR TRWYDDEDU CYFFREDINOL)

10:00am MONDAY, 8 DECEMBER 2014
(AT THE END OF THE GENERAL LICENSING COMMITTEE)

Lleoliad / Location

SIAMBR HYWEL DDA
SWYDDFEYDD Y CYNGOR / COUNCIL OFFICES
CAERNARFON

Pwynt Cyswllt / Contact Point

LOWRI HAF EVANS
(01286) 679 878

lowrihafevans@gwynedd.gov.uk

Dosbarthwyd / Distributed 28.11.14

PWYLLGOR TRWYDDEDU CANOLOG

CENTRAL LICENSING COMMITTEE

Aelodaeth/Membership (15)

Plaid Cymru (7)

Y Cynghorwyr/Councillors

Craig Ab Iago Eddie Dogan

Huw Edwards Annwen Hughes Chris Hughes

W. Tudor Owen Ann Williams

Annibynnol/Independent (4)

Y Cynghorwyr/Councillors

Eryl Jones-Williams Christopher O'Neal

Angela Russell Elfed Williams

Llais Gwynedd (3)

Y Cynghorwyr/Councillors

Llywarch Bowen Jones Dilwyn Lloyd

Peter Read

Aelod Unigol / Individual Member (1)

Louise Hughes

Aelod Ex-officio/Ex-officio Member

Is-gadeirydd y Cyngor/Vice-chairman of the Council

RHAGLEN

1. CROESO AC YMDDIHEURIADAU

Derbyn unrhyw ymddiheuriadau am absenoldeb.

2. DATGAN BUDDIANT PERSONOL

Derbyn unrhyw ddatgan o fuddiant personol.

3. MATERION BRYD

Nodi unrhyw eitemau sy'n fater brys ym marn y Cadeirydd fel y gellir eu hystyried.

4. COFNODION

Bydd y Cadeirydd yn cynnig y dylid llofnodi cofnodion cyfarfod diwethaf y pwyllgor hwn a gynhaliwyd ar 15 Medi 2014 fel rhai cywir.

(copi yma – papur **gwyn**)

5. COFNODION IS-BWYLLGOR TRWYDDEDU

Cyflwyno, er gwybodaeth, cofnodion cyfarfodydd o'r Is-bwyllgor Trwyddedu Canolog a gynhaliwyd ar y dyddiadau canlynol:-

(a) 03.09.2014

(b) 25.09.2014

(copi yma – papur **glas**)

AGENDA

1. WELCOME AND APOLOGIES

To receive any apologies for absence.

2. DECLARATION OF PERSONAL CONNECTION

To receive any declaration of personal interest.

3. URGENT ITEMS

To note any items that are a matter of urgency in the view of the Chairman for consideration.

4. MINUTES

The Chairman shall propose that the minutes of the meeting of this Committee, held on 15th of September 2014, be signed as a true record.

(copy herewith – **white** enclosure)

5. LICENSING SUB-COMMITTEE MINUTES

To submit, for information, minutes of the Licensing Sub-committee meetings held on the following dates:-

(a) 03.09.2014

(b) 25.09.2014

(copy herewith – **blue** enclosures)

PWYLLGOR TRWYDDEDU CANOLOG, 15.09.14

Yn bresennol: Y Cyngorydd Eryl Jones-Williams (Cadeirydd)
Y Cyngorydd Huw Edwards (Is-gadeirydd)

Y Cyngorwyr Eddie Dogan, Annwen Hughes, Louise Hughes, Dilwyn Lloyd,
W.Tudor Owen, Angela Russell, Ann Williams, Elfed W Williams

Hefyd yn Bresennol: Siôn Huws (Uwch Gyfreithiwr), Sheryl Le Bon Jones (Rheolwr
Trwyddedu) a Lowri Haf Evans (Swyddog Cefnogi Aelodau a Chraffu)

1. CROESO AC YMDDIHEURIADAU

Croesawyd pawb i'r Pwyllgor gan y Cadeirydd, y Cyngorydd Eryl Lloyd Williams, Derbyniwyd ymddiheuriadau gan y Cyngorwyr Llywarch Bowen Jones a Peter Read

2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

3. MATERION BRYS

Dim i'w nodi

4. COFNODION CYFARFOD DIWETHAF

Llofnododd y Cadeirydd gofnodion cyfarfod o'r pwyllgor a gynhaliwyd ar 23 Mehefin 2014, fel rhai cywir.

O ran presenoldeb Aelodau, nodwyd bod sedd wag (Plaid Cymru) yn bodoli ar y pwyllgor ers rai misoedd a bod presenoldeb ambell i Aelod arall o'r Pwyllgor yn wan.

Nodwyd mai cyfrifoldeb y Grwpiau Gwleidyddol yw aelodaeth pwyllgorau ac felly awgrymwyd i'r Aelodau drafod y mater ymysg eu Grwpiau Gwleidyddol priodol. Awgrymwyd hefyd i'r Cadeirydd drafod y mater gyda Chadeirydd y Pwyllgor Gwasanaethau Democratiaidd a'r Swyddog Cefnogi Aelodau i gyfeirio'r mater ymlaen at Bennaeth Gwasanaethau Democratiaeth.

5. COFNODION IS-BWYLLGORAU TRWYDDEDU CANOLOG

Cyflwynwyd, er gwybodaeth, gofnodion cyfarfodydd o'r Is-bwyllgor Trwyddedu Canolog a gynhaliwyd ar 9.7.2014, 14.7.2014 a 16.7.2014.

6. ADRODDIAD FFI OEDD A THALIADAU ARFAETHEDIG 2014/15 – ADRAN GWARCHOD Y CYHOEDD

Ni chyflwynwyd yr adroddiad gan nad oedd yn berthnasol i Ddeddf Trwyddedu 2003 a Deddf Gamblo 2005.

7. CADEIRYDDIAETH Y PWYLLGOR TRWYDDEDU CANOLOG A'R PWYLLGOR TRWYDDEDU CYFFREDINOL

Cyflwynwyd adroddiad gan yr Uwch Gyfreithiwr yn manylu ar anfodlonrwydd y Pwyllgor yn y cyfarfod diwethaf i allu ethol un aelod yn Gadeirydd ar y Pwyllgor Trwyddedu Canolog a'r Pwyllgor Trwyddedu Cyffredinol.

Wrth osod y cefndir, nodwyd bod y Pwyllgor Trwyddedu Canolog wedi ei sefydlu i ymdrin â materion o dan Ddeddf Trwyddedu 2003 a Deddf Gamblo 2005. Mae yn ofyniad statudol i sefydlu'r pwyllgor hwn ac ni ellir ystyried unrhyw fater arall.

O ganlyniad sefydlwyd y Pwyllgor Cyffredinol i benderfynu ar faterion eraill. Yn gyfansoddiadol maent yn ddau bwyllgor gwahanol sydd yn cynnal cyfarfodydd arwahan. Serch hynny, mae'r Cyngor wedi penderfynu y bydd y ddau bwyllgor yn cynnwys yr un 15 aelod fel y mae wedi ei nodi yn y Cyfansoddiad.

Fel rheol gyffredinol, nodir yn y Cyfansoddiad na all yr un aelod fod yn Gadeirydd ar fwy nag un Pwyllgor. O dan y Cyfansoddiad presennol, rhaid penodi dau aelod gwahanol i gadeirio'r pwyllgorau.

Mynegwyd Aelodau'r Pwyllgor, fel ag y gwnaed yn y cyfarfod diwethaf (23.6.2014), y dylid caniatáu'r un aelod i gadeirio'r ddau bwyllgor. Golygai hyn y byddai angen diwygio Cyfansoddiad y Cyngor i'r Pwyllgorau hyn yn unig, gan gyflwyno argymhelliad i gyfarfod nesaf y Cyngor am gymeradwyaeth.

PENDERFYNWYD YN UNFRYDOL ARGYMELL I GYFARFOD NESAF O'R CYNGOR LLAWN, (9.10.14) GYMERADWYO'R CAIS I DDIWYGIO CYFANSODDIAD Y CYNGOR (Rhan 4/ Rheolau Gweithdrefn/10 Para 1,2 a 5) AR GYFER Y DDAU BWYLLGOR TRWYDDEDU YN UNIG

Dechreuodd y cyfarfod am 10:00a.m a daeth i ben am 10:15am

IS-BWYLLGOR TRWYDDEDU CANOLOG 03.09.14

Yn bresennol: Cyng. Eryl Jones Williams, Cyng. Annwen Hughes, Cyng. Elfed Williams

Hefyd yn bresennol: Sion Huws (Uwch Gyfreithiwr), Gwenan M Williams (Rheolwr Gwarchod Y Cyhoedd (Iechyd a Diogelwch a Thrwyddedu), Mr Ian Williams (Heddlu Gogledd Cymru), Ms Wendy Kay (Heddlu Gogledd Cymru) a Lowri H Evans (Swyddog Cefnogi Aelodau a Chraffu),

1. CROESO

Croesawyd pawb i'r cyfarfod gan y Cadeirydd, y Cynghorydd Eryl Jones Williams. Cyflwynwyd y panel ar swyddogion i bawb oedd yn bresennol.

2. DATGAN BUDDIANT PERSONOL

Dim i'w nodi

3. MATERION BRYD

Dim i'w nodi

4. CAIS I AMRYWIO TRWYDDED EIDDO – UNIVERSITY PLAICE, 21 FFORDD CAERGYBI, BANGOR UCHAF, GWYNEDD.

Ar ran yr eiddo: Mr Mehemet Ali Usal a Miss Nia Haf Davies

Aelodau Lleol: Cyng June Marshall, Cyng Mair Rowlands

Eraill a fynychwyd: Cyng. Dinas Bangor Keith Marshall, Mrs Arfona Davies (Aelod Cymdeithas Bangor Uchaf)

Ymddiheuriadau: Cynghorydd Dinas Rhys Taylor, Cynghorydd Dinas John Martin a Mr Keith Thomas (Gwasanaeth Tan ac Achub)

Adroddiad ac argymhelliad yr Adain Trwyddedu.

Cyflwynwyd adroddiad y Rheolwr Trwyddedu yn manylu ar gais am amrywiad trwydded eiddo University Plaice, Bangor Uchaf i ymestyn oriau trwyddedig safonol. Lleolir yr eiddo ymysg rhes o fusnesau a siopau ym Mangor Uchaf, ac fe ddarperir lluniaeth hwyr y nos i'w fwyta oddi ar yr eiddo. Mewn gwrandawriad blaenorol a gynhaliwyd 30.9.13, bu i'r Is Bwyllgor ganiatáu ymestyniad oriau darparu lluniaeth hwyr y nos o 2:30am ar nos Wener a nos Sadwrn i 3:30am. Rhoddwyd manylion am yr oriau cyfredol a'r oriau arfaethedig.

Yn dilyn cyfnod ymgynghori priodol, derbyniwyd gwrthwynebiadau i'r cais gan yr Aelodau Lleol, Cyngor ac Aelodau Unigol Dinas Bangor, Preswlydd cyfagos a Heddlu Gogledd Cymru yn cyfeirio at y ffaith;

- bod yr eiddo eisoes wedi derbyn ymestyniad oriau gweithgareddau trwyddedig
- bod ymestyniad pellach yn mynd tu hwnt i oriau eiddo trwyddedig cyffelyb ym Mangor.

Roedd yr Aelodau Lleol yn gwrthwynebu ar sail amcanion Trwyddedu o atal niwsans cyhoeddus a throstedd ac anrhefn.

Roedd Heddlu Gogledd Cymru yn gwrthwynebu'r cais gan fod potensial i'r ymestyniad oriau ar nos Sul ac yn ystod yr wythnos danseilio'r amcanion trwyddedu o atal trosedd ac anrhefn a niwsans

cyhoeddus. Nodwyd y buasai'r Heddlu yn cefnogi cais am amser ychwanegol hyd at 3:00am ar nos lau yn unig - hyn yn cyd fynd ag oriau eiddo trwyddedig cyffelyb ym Mangor.

Wrth ystyried y cais dilynwyd y drefn ganlynol:-

- Rhoddwyd cyfle i aelodau'r Is-bwyllgor a'r ymgeisydd ofyn cwestiynau i'r Rheolwr Trwyddedu.
- Gwahoddwyd yr ymgeisydd i ymhelaethu ar y cais
- Rhoddwyd cyfle i'r ymgynghorai gefnogi eu sylwadau
- Gwahoddwyd deilydd y drwydded neu ei gynrychiolydd i ymateb i'r sylwadau
- Rhoddwyd cyfle i aelodau'r Is-bwyllgor ofyn cwestiynau i ddeilydd y drwydded.
- Rhoddwyd cyfle i aelodau'r Is-bwyllgor ofyn cwestiynau i'r ymgynghorai.

Wrth ymhelaethu ar y cais nododd yr ymgeisydd bod angen cysondeb ymysg busnesau tebyg. Dadleuwyd bod busnes cyffelyb yn darparu lluniaeth poeth tu allan i oriau trwyddedu ac mai tegwch fuasai iddo yntau gael bod ar agor hefyd i weini bwyd gan leihau'r niferoedd o bobl yn casglu mewn un lle. Ychwanegodd mai tymhorol oedd y busnes ac y buasai hanner awr ychwanegol yn adfer oriau a gollwyd yn ystod misoedd yr Haf.

Mewn ymateb i gwestiwn, mynegodd y buasai yn barod i gyflogi goruchwyliwr drysau am yr oriau ychwanegol i ymdrin ag unrhyw anrhefn ar yr eiddo. Ychwanegwyd bod teledu cylch cyfyng eisoes yn yr eiddo a'i fod yn barod i gyd weithio gyda'r Heddlu.

Mewn ymateb i'r cais nododd cynrychiolydd o'r Heddlu nad oeddynt yn gefnogol i'r cais. Mewn ymgais ym Mangor i osgoi trosedd ac anrhefn drwy gydweithio da a rhoi cytundebau cyfartal mewn oriau trwyddedu i fusnesau tebyg, buasai derbyn cais am ymestyniad oriau yn gosod cynsail. Rhaid cytuno ar derfyn amser priodol. Derbyniwyd 5 achos o gwyn am yr eiddo; 4 wedi eu cyfeirio gan Mr Usal ei hun. Yr Heddlu yn fodlon gyda'r modd y mae'r eiddo yn cael ei reoli.

O dan Adran 9.4.182 (addasiad Hyd 2013) o Ddeddf Trwyddedu 2003, mae gan yr Heddlu, fel Awdurdod Cyfrifol hawl i wrthwynebu ar sail y tebygolrwydd y buasai caniatáu y cais yn tansellio egwyddorion trosedd ac anrhefn - nid oes angen tystiolaeth.

Mewn ymateb i'r cais nododd yr Aelodau Lleol eu bod yn cytuno gyda datganiad yr Heddlu. Rhaid sicrhau tegwch, ond buasai ymestyn oriau yn gosod cynsail. Nodwyd bod Bangor Uchaf yn ardal breswyl ac angen ystyried mwynderau trigolion cyfagos.

Mewn ymateb i'r sylw nododd preswylydd cyfagos bod cyfrifoldeb ar yr Awdurdod Lleol i ddiogelu a gwarchod cymunedau.

Mewn ymateb i'r cais nododd Cynghorydd Dinas Bangor ei fod yn cytuno gydag argymhellion yr Heddlu a chytuno i ymestyn oriau ar nos lau yn unig i 3:00am.

Wrth grynhoi ei gais nododd yr ymgeisydd mai tegwch oedd ei brif ystyriaeth a gofynnwyd i'r Adain Trwyddedu arsylwi eraill fel nad ydynt yn darparu lluniaeth poeth tu allan i oriau trwyddedig.

Ategodd Rheolwr Gwarchod y Cyhoedd y buasai'r Adain Trwyddedu yn ymchwilio i'r honiadau a waned parthed yr eiddo oedd yn darparu lluniaeth poeth tu allan i'r oriau trwyddedig.

Gadawodd y partiön perthnasol y cyfarfod.

Trafodwyd y cais gan aelodau'r Is Bwyllgor gan ystyried yr holl dystiolaeth a gyflwynwyd gan roddi sylw penodol i egwyddorion Deddf Trwydded 2003 sef

- Rhwystro Trosedd ac Anrhefn

- Diogelwch y Cyhoedd
- Rhwystro Niwsans Cyhoeddus
- Amddiffyn Plant rhag Niwed

Roedd yr Is Bwyllgor o'r farn na ellid caniatáu oriau ychwanegol ar sail bod eiddo arall yn darparu lluniaeth poeth tu allan i'w horiau trwyddedig. Caniatawyd yr hanner awr ychwanegol ar nos Iau er mwyn dod ac oriau trwyddedu yn gyfartal a busnesau eraill. Cytunwyd bod tegwch ar draws y busnesau yn atal ymddygiad gwrthgymdeithasol drwy osgoi sefyllfa lle daw pobl at ei gilydd mewn un lle. Derbyniwyd barn yr Heddlu a chadarnhawyd cyfeiriad at yr Adran 9.4 182 Deddf Trwyddedu 2003.

PENDERFYNWYD

GWRTHOD Y CAIS AR SAIL NA ELLID CANIATÁU ORIAU YCHWANEGOL AR SAIL BOD EIDDO ARALL YN DARPARU LLUNIAETH POETH TU ALLAN I'W HORIAU TRWYDDEDIG. . CANIATAWYD YR HANNER AWR YCHWANEGOL AR NOS IAU (o 2:30am i 3:00am) ER MWYN DOD AC ORIAU TRWYDDEDU YN GYFARTAL Â BUSNESAU ERAILL YM MANGOR.

Diolchwyd i bawb am eu cyfraniad.

Adroddodd y Cyfreithiwr y byddai'n anelu at anfon llythyr yn cadarnhau yn ffurfiol i bawb oedd yn bresennol benderfyniad yr Is-bwyllgor ac yn eu hysbysu o'u hawl i apelio i'r dyfarniad o fewn 21 diwrnod i dderbyn y llythyr hwnnw.

Dechreuodd y cyfarfod am 2:0 a daeth i ben am 2:50pm

IS-BWYLLGOR TRWYDDEDU CANOLOG 25.09.14

Yn bresennol: Cyng. Tudor Owen , Cyng. Ann Williams, Cyng. Elfed Williams

Hefyd yn bresennol: Sion Huws (Uwch Gyfreithiwr), Gwenan M Williams (Rheolwr Gwarchod Y Cyhoedd (Iechyd a Diogelwch a Thrwyddedu), a Lowri H Evans (Swyddog Cefnogi Aelodau a Chraffu),

1. CROESO

Croesawyd pawb i'r cyfarfod gan y Cadeirydd, y Cynghorydd Tudor Owen . Cyflwynwyd y panel ar swyddogion i bawb oedd yn bresennol.

2. DATGAN BUDDIANT PERSONOL

Dim i'w nodi

3. MATERION BRYD

Dim i'w nodi

4. CAIS AM DRWYDDED EIDDO – FRESHWAY EXPRESS, 319, STRYD FAWR, BANGOR, GWYNEDD.

Ar ran yr eiddo: Mr Amhad Koujan, Mr Chris O'Neal (asiant ar ran yr ymgeisydd)

Aelodau Lleol: Dim y bresennol

Eraill a fynychwyd: Cynghorydd Keith Marshall (Dinas Bangor ward Menai), Cynghorydd June Marshall (Dinas Bangor ward Menai)

Ymddiheuriadau: Dim i'w nodi

Adroddiad ac argymhelliad yr Adain Trwyddedu.

Cyflwynwyd adroddiad y Rheolwr Trwyddedu yn manylu ar gais am drwydded eiddo ar gyfer 319, Stryd Fawr, Bangor. Disgrifiwyd yr eiddo fel 'Fast Food Takeaway' gyda bwriad o ddarparu lluniaeth yn hwyr y nos, dan do ac yn yr awyr agored.

Rhoddwyd manylion am yr oriau fydd yr eiddo ar agor i'r cyhoedd a'r amseroedd darparu lluniaeth hwyr y nos.

Tynnwyd sylw'r panel at gamau mae'r ymgeisydd yn bwriadu eu dilyn i hyrwyddo'r pedwar amcan Trwyddedu –

- Gosod camerâu teledu cylch cyfyng y tu mewn i'r adeilad
- Cyflogi goruchwyliwr drysau ar ddydd Gwener, dydd Sadwrn a gwyliau banc o hanner nos tan amser cau
- Glanhau unrhyw sbwriel tu allan i'r eiddo
- Cyfyngu mynediad i blant o dan 16oed o 11:30yh ymlaen oni bai eu bod yng nghwmni oedolyn.

Nid oedd y Gwasanaeth Tân ac Achub Gogledd Cymru yn dymuno rhoi sylwadau ar y cais. Ni dderbyniwyd sylwadau gan Heddlu Gogledd Cymru na Gwasanaeth Iechyd Amgylchedd. Nid oedd y Gwasanaeth Cynllunio yn gwrthwynebu'r cais

Yn dilyn cyfnod ymgynghori priodol, derbyniwyd gwrthwynebiad i'r cais gan Cyngor Dinas Bangor. Eu pryderon yn ymwneud a'r cynnydd mewn sŵn ac aflonyddwch, y cynnydd mewn gwaredu sbwriel a'r lefel o drosedd ac anrhefn ac ymddygiad gwrthgymdeithasol fydd eiddo lluniaeth hwyr y nos ychwanegol yn ei gael ar yr ardal. Nodwyd bod Cyngor Dinas Bangor o'r farn bod pwynt dirlawnder wedi ei gyrraedd yn yr ardal yma o Fangor, ac yn unol â dogfen Polisi Trwyddedu Cyngor Gwynedd, dylai 'Polisi Dirlawnder' gael ei fabwysiadu ar gyfer y rhan yma o Fangor..

Wrth ystyried y cais dilynwyd y drefn ganlynol:-

- Rhoddwyd cyfle i aelodau'r Is-bwyllgor a'r ymgeisydd ofyn cwestiynau i'r Rheolwr Trwyddedu.
- Gwahoddwyd yr ymgeisydd i ymhelaethu ar y cais
- Rhoddwyd cyfle i'r ymgynghorai gefnogi eu sylwadau
- Gwahoddwyd deilydd y drwydded neu ei gynrychiolydd i ymateb i'r sylwadau
- Rhoddwyd cyfle i aelodau'r Is-bwyllgor ofyn cwestiynau i ddeilydd y drwydded.
- Rhoddwyd cyfle i aelodau'r Is-bwyllgor ofyn cwestiynau i'r ymgynghorai.

Gofynnodd aelod o'r Is-bwyllgor i'r Rheolwr Trwyddedu beth oedd nifer y siopau darparu prydau parod ar Stryd Fawr Bangor a beth oedd eu horiau agor a chau?

Mewn ymateb i'r cwestiwn nododd y Rheolwr Trwyddedu bod 8 eiddo ar y Stryd Fawr yn darparu prydau parod ac nad oedd y cais yn gofyn am oriau hwyrach na manau cyffelyb.

Gwnaed sylw nad oedd trigolion cyfagos wedi gwneud sylw i'r cais a holiwyd y Rheolwr Trwyddedu os oedd y cais wedi cael ei hysbysebu yn glir. Cadarnhawyd yn unol â threfn statudol bod yn ofynnol hysbysebu cais am 28 diwrnod yn y papur lleol. Ategwyd bod y cais yma wedi ei hysbysebu yn unol â'r ddeddfwriaeth. Ategwyd bod y Cyngor hefyd yn hysbysebu'r cais ar y wefan.

Gwnaed sylw nad oedd sylwadau wedi eu derbyn gan yr Heddlu. Nododd y Rheolwr Trwyddedu na fuasai gan yr heddlu dystiolaeth i'r eiddo gan mai cais ydoedd o'r newydd gyda gofynion cyffelyb i fusnesau eraill.

Atgoffwyd pawb mai 10 munud oedd y cyfnod siarad pawb.

Wrth ymhelaethu ar y cais nododd asiant ar ran yr ymgeisydd bod yr adran cynllunio wedi caniatáu cais cynllunio i'r safle weithredu fel eiddo 'bwyd poeth i'w fwyta allan'; bod yr ymgeisydd wedi ymateb i egwyddorion y Ddeddf Trwyddedu 2003 ac nad oedd gan Wynedd, ar hyn o bryd, bolisi dirlawnder. Ychwanegodd gan adrodd bod yr ardal yn cael ei gwyllo yn ofalus gan yr Heddlu, Angylion y Stryd a theledu cylch cyfyng.

Cyflwynodd Mr Koujan fel rheolwr y safle ac ategodd bod Mr Koujan hefyd yn rheoli eiddo arall ym Mangor Uchaf.

Yn dilyn cyfnod ymgynghori, ni dderbyniwyd gwrthwynebiad gan y Gwasanaeth Tân.

Pwysleisiwyd na fyddai alcohol yn cael ei werthu yn y siop.

Mewn ymateb i'r cais nododd Cynghorydd Dinas Bangor a oedd yn bresennol ar ran Clerc Dinas BAgnor ei bod yn cytuno gyda'r farn bod pwynt dirlawnder wedi ei gyrraedd yn yr ardal yma o Fangor ac y dylai'r Cyngor ymateb drwy fabwysiadu polisi tirlawnder.

Gwnaed cais i gamau hyrwyddo egwyddorion Trwyddedu yr ymgeisydd a restrwyd yn ei gais, gael eu gosod fel amodau.

Adroddodd y cyfreithiwr y buasai modd cynnwys yr amodau pe bai'r is-bwyllgor yn penderfynnu caniatáu y cais.

Nododd Cadeirydd yr Is-Bwyllgor y buasi'n fuddiol i'r Pwyllgor Trwyddedu drafod polisi tirlawnder.

Wrth grynhoi ei gais nododd yr asiant bod yr ymgeisydd yn hapus i dderbyn yr amodau.

Gadawodd y partiön perthnasol y cyfarfod.

Trafodwyd y cais gan aelodau'r Is Bwyllgor gan ystyried yr holl dystiolaeth a gyflwynwyd gan roddi sylw penodol i egwyddorion Deddf Trwydded 2003 sef

- Rhwystro Trosedd ac Anhrefn
- Diogelwch y Cyhoedd
- Rhwystro Niwsans Cyhoeddus
- Amddiffyn Plant rhag Niwed

Roedd yr Is Bwyllgor o'r farn i ganiatáu'r cais gan nad oedd dystiolaeth yn awgrymu bod yr eiddo yn tansailio egwyddorion y ddeddf Trwyddedu.

PENDERFYNWYD

CANIATÁU TRWYDDED O'R NEWYDD I EIDDO FRESHWAY EXPRESS, 319, STRYD FAWR, BANGOR YN UNOL Â'R ARGYMHELLION GAN YCHNWAEGU Y CAMAU A RESTRWYD GAN YR YMGEISYDD (atodiad M o'r cais) I HYRWYDDO'R AMCANION TRWYDDEDU FEL AMODAU.

'Promoting the four licensing objectives

General

- ***We will liaise with the Police and Council to ensure we meet all licensing objectives.***
- ***CCTV will be produced if required***
- ***Door Supervisors will produce a full list of any incidents etc***

Prevention of Crime and Disorder

- ***The venue will be fitted with a CCTV system inside the shop. This system will be placed so all customers entering the shop will be recorded. CCTV will be recorded for 1 month.***
- ***Door supervisors will be deployed Friday and Saturday from 12:00 until close of business.***

Public Safety

- ***Door supervisors deployed Friday and Saturday nights and all Bank Holiday Sundays from 12:00am until close of business. All SIA licensed staff***

The prevention of public nuisance

- ***The venue will clear up all rubbish from outside the venue and signs will be placed on the venue asking people to place rubbish in the bin***

The protection of children from harm

- ***No person under the age of 16 will be permitted into the venue after 11:30pm unless accompanied by an adult'.***

Diolchwyd i bawb am eu cyfraniad.

Adroddodd y Cyfreithiwr y byddai'n anelu at anfon llythyr yn cadarnhau yn ffurfiol i bawb oedd yn bresennol benderfyniad yr Is-bwyllgor ac yn eu hysbysu o'u hawl i apelio i'r dyfarniad o fewn 21 diwrnod i dderbyn y llythyr hwnnw.

Dechreuodd y cyfarfod am 10:00am a daeth i ben am 10:45pm